

docri v... 文川网  
入駐商家 古籍书城  
在文川网搜索古籍书城 获取更多信息

中國方志叢書·華北地方·第三〇四號

據 未 著 纂 修 人 姓 氏 影 印  
民 國 鉛 印 本

陝西 省

# 磚 坪 縣 志



8010275 SK20/08

成文出版社有限公司印行



中華民國五十九年 月壹一版

# 磚坪縣志

全一册

發行人：**黃成助**

出版者：**成文出版社有限公司**

台北郵政信箱二二六〇五號  
台北市羅斯福路三段279之二號  
電話：三七〇一三二號

印刷者：**東南印製廠有限公司**  
和平西路二段70巷83弄29號

內政部登記證內版台業字第一一四七號

## 磚坪地理志

### 廳治沿革攷

磚坪禹貢梁州域也商周時爲庸國春秋文公十六年併於楚戰國秦惠王取楚漢中六百里此地與焉迄始皇列爲縣曰西城屬漢中郡漢隸益州王莽易名新城東漢建安二十年置爲西城郡魏改郡魏興西城附郭隸荊州晉因之劉宋改隸梁州梁改南梁州魏興郡西城隸之西魏王雄平魏興因其地產金尋更名金州後周置安康郡天和四年西城併吉安入金州治隋初復置西城郡隸梁州義甯二年仍以名縣唐武德元年仍改爲金州領西城隸山南東道逮大寶乾元間兩更郡名曰安康曰漢陰後復更名金州自五代以迄兩宋數百年中迭更六朝而金州西城之名罔替惟元經兵燹後廢西城縣乃降爲散州仍秦治屬漢中明萬歷十一年易興安州二十四年改爲直隸州

docsriver 文川网  
入驻商家 古籍书城

在文川网搜索古籍书城 获取更多电子书

國朝乾隆四十八年復陞爲府安康首縣其地盡歸管轄縣境遼闊因設縣丞一員駐西南磚坪專司緝捕甄坪之設官自此始嘉慶季年秦楚蜀大吏會奏以三省邊疆山深林密爲盜賊藪請移鳳翔通判於此靖邊撫民

制曰可道光二年改設廳治屬興安府

附節錄改甄坪廳通判原摺一陝西邊境應改設文員以資治理也查陝西興安府屬之安康所管地方跬步皆山該縣迤南甄坪營與四川太平廳城口廳營連之大界嶺楊泗岩南天門兩扇門等處未開老林袤長三四百里地極險要原設縣丞不足以資治理應改設撫民通判並設巡檢一員兼司獄事其地距安康二百四十里係通蜀要路添設廳治自安康南直抵川界俱歸通判管理與知縣分疆治理庶無鞭長莫及之虞查有鳳翔府通判與該府同城事簡等閒可以裁抵改爲甄坪撫民通判該處界連川楚地方緊要請照孝義甯陝留壩定遠等處廳邊俸之例定爲在外題調之要缺

五年俸滿保題陝省鑿缺其應需巡檢一員查留壩廳南星巡檢係屬閒曹  
 應卽裁汰改爲甄坪巡檢兼司獄事舊設甄坪縣丞一員查漢中府屬之黑  
 河棧壩一帶綿亘數百里地甚險要應請將甄坪縣丞移駐黑河適中之略  
 陽觀音寺改爲略陽縣縣丞專司巡緝以昭嚴密

**附考梁州城**

通志夏爲庸國 尙書牧誓庸蜀豳梁州周庸國括地志上庸竹房邑及金州皆

庸地方與紀要春秋庸國地陝西 楚地 春秋文公十六年楚 西城 興安州

資政錄商周時爲庸國號三庸 漢書地理志漢中郡秦置莽曰新城 王置西城縣屬漢中

郡通志卽今興安州 益州漢中郡 益州地理志漢中郡秦置莽曰新城 西城縣地屬漢中郡水經注

後漢爲西城縣地屬西城郡 吉安 隋書地理志魏改吉安屬金州 僖吉安入 金州通志附地

**地里**

甄坪地處省南距省九百六十里在興安府之西南相距三百四十里初爲  
 安康縣丞分駐地道光初撥安康小道河大道河嵐河三鋪平利維新一里

改陞爲廳其疆域東路由廳至蘭河口十五里由蘭河口至草鞋埡十五里由草鞋埡至放牛廠二十五里由放牛廠至毛坡梁二十五里與平邑交界又由蘭河口分枝至溢河壩十五里溢河壩至花鯉墟四十里花鯉墟至孟氏嶺汎三十里孟氏嶺汎至金貓關三十里亦與平邑交界南路由廳至梅家寨三十里梅家寨至構坪二十里構坪至漳河坪五十里漳河坪至回馬山四十里回馬山至打鼓坪四十里與四川交界又南由廳城至麥溪溝三十里麥溪溝至木竹壩五十里木竹壩至界梁一百里與四川交界西路由廳城至一口印二十五里一口印至小鎮太山廟二十五里太山廟至明珠壩三十里明珠壩至吊陽關十五里與紫陽交界又西由明珠壩分枝至大道河口五十里與安康交界北路由廳城至方家埡五里方家埡至六口十五里六口至黃泥壩十里黃泥壩至花壩十里花壩至佐龍溝二十里佐龍溝至杜家壩三十里與安康交界

# 山

本境山脈可分爲五一中梁子東爲蟒蛇吐箭西爲穆王寨再西爲萬人寨其在嵐河之東北者爲南宮觀山其山俱發於巴嶺橫亘廳南儼如屋脊嶺以南爲四川城口地北即廳境自西北針貫東南縣長一百五十餘里中梁子山脈自巴嶺之光頭山起山左爲大漳河腦右爲滄水河腦蜿蜒北走十五里許突起一峯爲三元寨濱於漳河之西再北七十餘里又聳出秀峯爲轄頂山山左爲木竹壩右爲茨竹湖而保民寨八家寨皆峙於其北又二十里爲雙河寨又二十里爲梅家寨山勢至此漸次擴張分數十丈向東北抵嵐河而盡其正支再北十五里爲梯雲寨寨之麓廳城在焉再五里至方家壩再十五里至水圍城而盡蟒蛇吐箭山脈發巴嶺之大花池其東卽平利界也此山分支甚多其正支向西北斜行而分支皆向北直行其第一支爲金貓關山脈山左水入金雞河右水入平利牙河本廳與平邑卽以此山分



水爲界此分支計長七十里至金貓關抵嵐河而盡第二支自鳳形山分脈至高視巢止長四十里山左水入支河右水入金鷄河第三支自天柱山分脈至貓兒寨山左水入朱溪河右水入支河計長四十五里其第四支自小天山分脈至羊角寨止計長三十餘里山左水入洋溪河右水上截入朱溪河下截入嵐河以上四支均北行抵嵐河而盡正支自朱溪河腦束腰爲峽迤西北行層巒疊嶂有藥王寨閻王尖諸險自挖斷崗以下山勢稍平至滔河口蟒蛇吐箭處而盡卽俗傳水賊劉宏墓處也山左水入滔河右水入嵐河計長一百三十餘里

穆王寨山脈在中梁子脈之西起於巴嶺之楊泗巖北下三十里有俗呼小摩天嶺者峯極峭麓再北八十里至遇子坪始迤而西至柏枝垭山腰爲之一束再北三十里卽穆王寨山山勢突起峰極高峻而山頂平廣約百餘畝明末爲山賊所據有跑馬場大石磨諸遺跡環境諸山以此爲最高再北則

分數支峯峻谷深林箐深密一支自紅皮梁西北行約三十里爲藥尖山此山爲西北巨鎮山上多藥故名又三十餘里至沙溝而盡一支自青岩溝西北抵漢江南之磨盤山而盡山左水由沙溝入大道河右入小道河有太平金星白岩安樂諸險寨其正支傍嵐河而北至小道河腦山腰略爲一束右卽佐龍溝之南源再北十餘里至廖家壩爲佐龍溝北源入安康境三十里抵漢江而止此山約長二百四十里直貫廳境之中其在本境者二百一十里入安康境者僅三十里山之右自穆王山以上水入四季河以下均入嵐河山左自青巖溝以上水入大道河以下水入漢江河萬人寨山脈自巴嶺之潘家山發脈起首卽分東西二處如戟指然其東支左依盤河左傍橫溪河至鐵佛寺而盡計長九十餘里西支左爲洞河源卽大小北河也右挾盤河迤北五十里至大小水絲壩爲芙烟壩官園東西相通孔道再北三十里卽萬人寨寨極高大凡鐘靈溝班鳩關諸堡入城多取道於此自此以北則

亂山高下巒嶂復雜至吊陽關而勢爲一束此爲西來孔道亦要地也自此迤而西北山勢復聳直抵漢濱安康嘴而盡山右水均入大道河山左水均入洞河其山左諸堡如班鳩關如喇水溝如迴水灣許家河如鄧家編如鐘靈溝皆懸紫陽境內星羅棋布不與廳境毗連者也

南宮觀山山脈在嵐河東北發源於平利之化龍山至東瓦溪溝腦獨樹巖始入廳境山左分支在廳境中者有三一自獨樹巖分支爲筆架山秀峰高聳石盡人立有寶蓮石門諸勝境又有蓮盆爲五瓣石片所成高懸巖側人工不及爲嵐河名山之一西爲黑虎寨寨之麓苦竹關在焉關前爲藤柳沖卽周副將玉堂擊會匪處也再西北至紫姬寨而盡計長四十里山左水入嵐河右入溢河其自壩頭山分支者右三星寨山脈西行至松樹梁而盡計長五十餘里山左水入溢河右入蘭河其自平頭山分支西北行者爲雲霧山脈山左水入嵐河右入香河爲安康境至雲蓋峯迤而北有蠟燭山再北

由獐子溝入安康境至香河口而盡計長百餘里在廳境約八十餘里

白鶴巖山 在廳東距廳城二里許形勢崢嶸為廳東之屏障

中梁子山 在廳南距廳城五里許形勢雄壯為廳城之鎮

梯雲寨山 在廳西距廳城三里許山半有炮台為廳城之保障

營盤梁山 在廳北距廳城四里許山環水抱嘉慶時於此屯兵為廳北之屏

龍安寨山 在廳東距廳城八十里發脈於化龍山迤邐而來至寨下而止寨

壁然

筆架山 在廳東距廳城百里三峯聳拔頂上有方池大旱不涸下有寶蓮

洞鄉人就此建廟廟外向左數武兩石對立中有小徑名石門子

臘燭山 在廳北距廳城四十里兩峯對峙上如凌霄漢如臘燭然

羊角山 在廳南距廳城四十里發源於化龍山蜿蜒而來至洋溪河突起

一柱擎天之勢也

按本境之山概發脈於西蜀餘界梁以來分支漸多或入平利界或入紫陽界或入安康界或至本境而止或至漢江而止凡有名之山與廳城有關係有古蹟者俱採訪敘明其餘疊嶂層巒枝峯蔓壑前此無志書可攷無畫圖可按自來無名故不悉志

東鄉

蘭河口 距廳城十五里東草鞋壩西城關南溢河壩北直上大梁接安康界湖河數里有相子廟形式狹小迤北忠信寨頗險峻土人避賊恒於此草鞋壩距城三十里東與放牛廠連西蘭河口南溢河口交界北至木瓜壩與安康交界其地初等小學堂暫租民屋俟經費足後卽擇地改設  
放牛廠距城五十里西界草鞋壩南界溢河上保東至芽坡梁北至熊家壩交平利界香爐山營其北上建祖師廟頗稱勝境山右爲凌霄寨尤高峻其初等小學堂亦暫租民房俟後改建

溢河壩上保距城七十里東至界嶺與平利接西與下保接界南至曾子石與花鯉墟接界北與放牛廠草鞋壩接界其初等小學堂設於二郎廟上下保均附於此

溢河壩下保距城三十里東界與上保西南龍廟南花鯉墟西南洋溪河北蘭河口東北草鞋壩街臨嵐河自此河可通舟至花壩歇憇橋其南苦竹關卽昔安康平利分界處

洋溪河距城四十五里東連花鯉墟東南與朱溪河連西南接茨竹湖界西構坪北龍王廟東北溢河壩

花鯉墟距城八十里東抵瓦溪溝南抵朱溪河西抵洋溪河北抵溢河上堡其地有土主廟齋室尙多初等小學堂寓其內距街二里有關帝廟廟前有明石爐一鐘一街下十餘里有韭菜巖壁立千仞下臨嵐水土人於巖腹鑿爲通衢最稱險要街上數里鬧羊壩爲楊忠武公破賊處其碑碣尙在

瓦溪溝距城一百二十里東至毛家溝聚與平利交界南交支河界西南與朱溪河交界西交花鯉墟北交平利界其地孟氏嶺爲分汛所駐係東路要區迤西旱田壩有祖師廟棟宇宏敞昔爲與善學舍今雖稍毀然初等小學堂寓其內尙屬裕如

朱溪河距城一百二十里東北瓦溪溝界東支河界南東交河界西漢河界西北洋溪河界

支河距城一百四十里東北至嵐河接平利界東接金鷄河南接三溪口界西接朱溪河界北接瓦溪溝界

金鷄河距城一百六十里東界平利南界三溪口西界支河北界平利其東金貓關爲嵐河入境之地最稱險要

南鄉

龍王廟距城三十里東北與溢河下保連東與洋溪河連南與構坪交界西

與麥溪溝交界西北與城關蘭河交界其初等小學堂設關梁子勢頗高敞構坪距城五十里東與洋溪河交界南交茨竹湖界西南交木竹壩界西北交麥溪溝界北交龍王廟界其地舊爲關卡今則上山老林開墾已盡人煙稠密爲南北通衢不復稱險要矣

茨竹湖距城八十里東北與洋溪河接界南與漢河接界西與木竹壩接界北與構坪接界其地臨滔河河之南有泰山廟屋宇尙多初等小學堂寓其內

漢河距城一百里東抵朱溪河界南抵漳河坪西抵木竹壩之滄水河界北抵茨竹湖界其初等小學堂設立迤東之玉皇廟迤西有祖師廟係前明萬歷時舊址碑碣猶存

漳河坪距城一百二十里東交西交河界南直上界嶺交四川界西南交漳河界西交木竹壩之滄水河界北交漢河界其地上截漆枋街舊頗繁盛近



因羊芋不熟居民寥落故初等小學堂擇地於下截之長禪壩其對面山梁有德繼勇侯營壘故址下街頭關帝廟亦德公建樑柱尙存

大小漳河距城一百四十里東北與漳河坪連界南與四川城口連界西與滄水河連界地多不毛人烟亦稀故初等小學堂未能興辦其河腦葵花寨勢極險峻嘉慶時白蓮教匪盤踞於此

東西交河三溪口距城一百六十里東抵平利南界界嶺抵四川界西抵漳河坪北抵金鷄河

頭道橋距城十五里東與城關交界南與麥溪溝交界西至遇子坪與鐵佛寺交界北至爐架山與平溪河交界其地石橋甚固有頭道二道三道之名頭橋上十里許有泰山廟舍宇尙闕因設爲初等小學堂麥溪溝距城三十里東界龍王廟南界木竹壩西南界橫溪河西界小溝北界頭道橋街臨四季河多民居而貿易者無幾距街二里許有文昌宮殿堂闕大設初等小學

docsriver 文川网  
入驻商家 古籍书城

在文川网搜索古籍书城 获取更多电子书

堂於其中南手攀巖鷄公梁等處素稱險要嘉慶時我兵拋其地以勦教匪獲全勝焉

木竹壩距城一百二十里東與茨竹湖交界南與四川城口交界西與神仙河交界北與麥溪溝交界其地舊與三岔河爲二保近因上山居民稀少故合爲一區但山頂楊泗巖十八拐等處地極狹誠天險也

### 西鄉

平溪河距城二十五里東至方家壩與城關連界南與頭道橋連界西至柏枝壩與小鎮連界北與六口連界一口印山居其中山頂蓋初等小學堂地勢頗佳其迤南雍灣有白龍洞禱雨輒應

小鎮距城五十里東界連平吉河南界至光頭嶺接鐵佛寺西南至仙女池梁接榨溪西與明珠壩交界北至紅皮梁與小道河上保交界有祖師寨山形小而秀盤鎮中央均以小鎮名其初等小學暫借花廟子俟經費籌足後

當更改建

明珠壩距城八十里東至夏家墳與小鎮交界東南交榨溪界南至吊陽關接紫陽界西接鐵爐壩界北接小道河上堡界市鎮居中貿易頗盛街後有泰山廟爲土人會議之所距街里許卽四聖殿附設初等小學堂街對面山相傳古有夜明珠照澈數里行人來往無須秉燭故以爲名

鐵爐壩距城一百里東接明珠壩界南交紫陽界西通大道河界北交小道河中保界舊有市鎮近年被水沖突傾圮頗多東西通明珠壩處爲觀音壩兩山壁立磴道盤空土人於道中立一碣門有一夫當關萬夫莫開之勢故同治初川逆粵逆均逾道出吊陽關境內得免其害

大道河距城一百三十里東與鐵爐壩交界南至安康嘴與紫陽交界西卽漢水與安康分界北接小道河下保界街面臨漢帆檣上下商務暢興街後有泗王廟屋尙寬闊因借設初等小學堂

榨溪距城九十里東與小鎮交界北至火燒坡交明珠壩界東南至文明溪交鐵佛寺界南與三灣交界西抵柴埡子交迴水灣界

鐵佛寺距城七十里東至大梁交頭道橋界東南連小溝界南接橫溪河界西接三灣界西北交榨溪界北連小鎮界市鎮臨盤河橫溪河交口處街面有鐵佛寺廟初等小學堂附其內

小溝距城五十里東至閻王尖交麥溪溝南至老君梁交橫溪河界西北約交鐵佛寺界

橫溪河距城九十里東與木竹壩相接南界神仙河西接芙烟壩北界鐵佛寺東北交小溝界地僻市小商務不興其初等小學堂臨大小河交口處山水頗佳距街二十里爲麻柳壩沉地又東十里有高橋窮隄上蓋如虹臥空橋下又二里有得勝匾相傳爲楊忠武公殺賊處

神仙河距城一百一十里東與三岔河交界南與四川城口西界接千層河

界北接橫溪河界其地係書院公業舊出羊芋人煙頗多近因羊芋歉收與千層河兩處共數十戶而已

千層河距城一百二十里東與神仙河連界南與城口連溪西接盤河界北接橫溪河界

三灣距城九十里東交鐵佛寺界南交芙煙壩界西南交官園界西至萬人寨交紫陽界北與榨溪交界芙煙壩距城一百里東接榨溪界南接盤河界西接官園界北接三灣界

大小盤河距城一百二十里東與千層河交界南至牛角灣交城口界西交北河與芙煙壩界

大小北河距城一百四十里東與盤河交界南至漆扒灣交城口界西接八大股交紫陽界北與官園界官園距城一百二十里東與芙煙壩接界南接北河界西至天橋寨接紫陽古家村界北接三灣界嘉慶初楊忠武公率員

弁駐此勦賊故以官還名其營壘故址前數載尙餘墻數堵今圯街面關帝廟亦公建修棟宇崇宏今附設初等小學堂距街五里有龍洞灣每久晴望洞中有白雲騰起必大雨禱雨亦無不應

班鳩關距城一百五十里東至河南玉屏山西土木壩滴水巖均交紫陽界市鎮雖小然販運川鹽者皆集於此故貿易尙佳街面德馨宮廓乎有容初等小學堂亦附於內距街半里許爲紫陽汎地汎後尖峯十餘丈上有小洞相傳昔有石班鳩一對故地名以此義也

迴水灣距城一百四十里東至柴堰子交榨溪界西南北三面均紫陽界街面臨河可通小舟故貿易甚便

許家河距城一百八十里西南均與紫交界東交班鳩界北交迴水灣界鎮靈溝距城二百七十里四面均交紫陽界

北鄉


六口河東距城二十里東至大梁交安康西境至河西保分界南至蕭家壩  
交城關界北與黃泥壩交界

六口河西距城二十里東至與河東保分界南至上字坪西至大梁均交平  
溪河界北黃泥壩其接黃泥壩之處有觀音壩係北出要途路上建觀音廟  
前臨大河後倚危巖頗堪游眺

黃泥壩距城三十里東交安康界南交六口界西至大梁北交花壩街頭有  
泰山廟建置甚早距街五里有橋石歇息頗完固嵐水自此以下至火石溝  
亂石縱橫不通舟楫商賈苦之

花壩距城四十里東安康界南黃泥壩界西小道河上保界北佐龍溝界街  
近嵐河以不通舟楫商務不暢距街十里有火石溝兩山壁立一水中通最  
爲險要同治初土人防堵於此川粵各逆均不敢越此而敗北

佐龍溝距城六十里東至 天壩交安康界南交花壩界西至寡婦溝腦交





小道河界北交杜家壩界水陸交通街市繁盛街北即佐龍溝溝面緬以鐵鎖橋逾橋而北道旁有泰山廟規模潤大爲閭廳諸廟之最初等小學堂即設其中

杜家壩距城九十里東境至河交安康界南至戴花嶺與佐龍溝交界西至廖家壩交小道河下保界北抵嵐河交安康界

小道河上保距城八十里東至紅皮梁與小鎮交界南極藥山尖與明交界西至沙溝交鐵爐壩界北與中保交界

小道河中保距城一百里東與佐龍溝交界南與上保交界西與鐵爐壩交界北與下保交界其街市臨河河面建橋甚固

小道河下保距城一百二十里東與杜家壩交界南與中保交界北抵漢水交安康界

川



嵐河出太平北平利南之界嶺水自嶺北發源初名嵐溪西北流四十里橫當河右注之又二十里名高嵐河正陽河挾竹橋河水右注之又二十里八仙河左注之又四里左納創石河又十里右納讓河又六十里至松樹坪又會白沙嵐河之名始著白沙河又名漢河源出化龍山行九十五里入嵐河郡志謂出化龍山者爲嵐河誤也自白沙河流三十里左得牙河又五十里經孟氏嶺右納蛇蚤河又八里至金貓關入磚坪境金鷄河右注之又二十五里支河左注之又十五里左納朱溪河又二十里經苦竹關又二十里左納洋溪河又十五里右納溢河又八里左會滔河滔河水於東西二處東交水出兩扇門西交出榛枳各行七八十里合流始名滔河次第納浪河大漳河漢河諸水以入於嵐蓋支流中最大者矣嵐河又五里右納蘭河又十四里經磚坪老城又一里經今城又十五里經水圍城四季河挾滄水河平溪河左注之以上皆西北流至此轉而東北流又五里經六口又十里經黃泥

壩又十里經花壩再十里經火石溝又二十里至佐龍溝溝水左注之又二十里大香河受小香河繞溪河水右注之復西北流十里經杜家壩入安康境又四五堰渠河右注之又三十里入於漢計長五百餘里其水自火石溝以下皆通舟楫以上自歇息橋亦可泛舟至溢河

按廳境之水以嵐河爲最安康縣志貢生謝玉瑛攷嵐河源記甚詳但間有與本境不合者特錄原記而竊以己意增補之大道河之源有二左千層河右神仙河千層河發源於界嶺神田梁西北流二十里秀水河左注之又東北流二十里與神仙河會神仙河亦發源於界嶺北流四十里與千層河會合流五里黃柏溝水右注之又北流四十里爲橫溪河小河水右注之又北流十五里經麻柳壩又十五里小溝水自黑水池發源西流行二十里左注之又北流十里至石門子莊洋河水左注之又十里至鐵佛寺街前盤河水亦自界嶺潘家坪發源行一百一十里由左來會又西流五里小文明溪水

左注之又五里大文明溪水左注之又十里大橫溪水自管家山來左注之又十二里納榨溪水其水自柴埡子發源行三十里來會又東北流十里小鎮河水右注之又二里許納無瑕河水又十五里經明珠壩街磨溝水右注之又十里納紙房溝水又十五里沙溝水自紅皮發源流三十餘里右注之又里許鐵爐壩又二十五里至大道河街前入於漢山水源委均在本境其流域計長二百餘里

小道河之源於本堡之水溝寨西北流十五里銀杏溝水右注之又十里左納黃泥溝水又五里經小道河街又西流十五里入於漢

洞河之水亦發源於廳境黃金溝西流十里許石板溝水左注之又二十五里後小河水自藥杓灣發源北行三十里左注之又北流二十里至官園黃田溝水右注之又西流至滴水岩入紫陽境又西十里至倒開門仍入廳境又西北流七十里入道河水自紫陽界入本廳境官園挾北道河水經班鳩

關來左注之又北流二十里右納桐木溝水又十里經廻水灣又五里爲目連橋目連溝水左注之又五里爲七木溝出磚坪界

嵐河 在應東源委前已叙明應城以上石滾壩約灌田二百餘畝應城以下杜家壩約灌田二百餘畝

金鷄河 在應東距應城一百六十里發源於界梁水注嵐河約灌田三十餘畝

支河 在應東距應城一百四十里發源於菜子坪水注嵐河灌田約三十餘畝

朱溪河 在應東距城一百二十里發源於梅家梁水注嵐河灌田約三十餘畝

盞河 在應東距應城七十里發源於界梁水注嵐河灌田約一百餘畝

蘭河 在城東距城十五里發源於毛坡梁水注嵐河灌田約百餘畝

洋溪河 在應南距應城四十五里發源於天蒜坪水注嵐河灌田約七十餘畝

滔河 在應南距應城二十里發源於界嶺水注嵐河灌田約三十餘畝

四季河 在應南距應城十里發源於界梁水注嵐河灌田約六十餘畝

平溪河 在應西距城十五里發源於柏枝埡水注四季河灌田約三十餘畝

大道河

在應西距城七十里發源於界梁水入於漢江鐵佛寺灌田約六百餘畝

小運河

在應西距城一百里發源於水溝寨水入於漢江灌田約二十餘畝

橫溪河

在應西距城九十里發源於界梁水注大道河灌田約三十餘畝

金龍關

在應南距城百二十餘里地濱沿河兩岸皆峭壁相去丈餘東有石龍蜿蜒而下其色青西有石龍蜿蜒而下其色黃身俱長四丈餘

微現其背甲頭皆入於水以下有深潭內有大魚每值天將雨則現其背人多見之故以金龍關名亦南路之關隘也

魚洞子

在應南距城八十里地濱沿河每值雷發聲魚自湧出土人以竹器承洞口取魚多則數百筋少則數十筋近數年來魚漸少云

鐵佛寺

在應西距城六十里有鐵佛四尊高三尺餘相傳有一僧背負鐵佛先極其輕至地忽重不能移人因此建廟祠云

觀音礮

在應西距城八十里路上皆懸岩峭壁人不能到岩腹鑿有大礮一至今猶存礮上有樹兩株高丈餘每年冬將礮割去人以爲靈異云

仙人掌

在應北距城五十里有巨石橫塞要路不知自何年宛有巨靈手足之跡望之似不能容騎馬到開處寬闊而有餘因相傳爲仙人掌云

天池

本天鎗地設周圍四百餘步水從中出大旱不涸疊嶂層巒四面旋繞爲洋溪河勝境云

docsriver 文川网  
入驻商家 古籍书城

在文川网搜索古籍书城 获取更多电子书

涼水井

在城外東北隅水自土中湧出冬溫夏寒四時清流久旱不涸亦勝城也

川

甄坪之地本安康平利紫陽所分西南與城口太平接界其水多發源於界梁東北與安康平利紫陽接界其水亦多發源於界梁正河所灌平地之田前已備志其餘小河小溪小溝所灌之田或數畝或數十畝高下不一廣狹不同大小長短不齊採訪所及逐問置田之人亦不能悉計其畝數非若安康漢陰之田也

道路

廳城東路東行五里至渡船口過渡十里爲蘭河口涉蘭河十五里至溢河壩逾溢河十五里至馬蝗壩越壩又十五里至興隆坪又十里至田家壩又十里至鐵爐壩又十里至化鯉壩又十里至旱田壩又十里至石滾壩又十里至孟氏嶺入平利境此東行正路其支路自蘭河口行十里至草鞋壩二



十里至放牛廠又十五里至茅坡梁入平利境

廳城南路有二一自廳城向東南行十五里至栗樹壩十里至睡頭溪十五里至梅家寨十里至關梁子十里至構坪十里至金竹岡二十里至太極圖五里至象鼻子十五里至漳河坪自漳河坪分三支路一支二十五里至大漳河四十五里至界嶺一支二十里至小漳河四十五里至界嶺一支自漳河坪十里至浪河口自浪河又分二支一支五十里至漆林二十五里至界嶺一支二十里至長灘碛二十五里至三溪口三十五里至界嶺此東南通四川城口廳之路也其正南路則自廳城行五里至方家壩又十里至頭道橋又十五里至麥溪溝又四十里至木竹壩又十五里至滄水河又十五里至茨棚又十五里至藥扒又十里至腰棚又十五里至三岔河交界嶺此正南通四川之要路也

廳城西路亦有二一由廳城西南行至頭道橋十五里至三道橋十里西行